

24 MAY 1998

PRESIDEN SURINAME TIBA UNTUK LAWATAN DUA HARI

KUALA LUMPUR, 24 Mei (Bernama) -- Presiden Republik Suriname Jules Wijdenbosch tiba di sini malam ini untuk lawatan rasmi dua hari ke Malaysia.

Beliau dan isterinya Patricia d'Leon disambut oleh Menteri Pertahanan, Datuk Seri Syed Hamid Albar, yang juga pemangku Menteri Luar, dan isterinya Datin Seri Sharifah Aziah Syed Zainal Abidin, di Lapangan Terbang Sultan Abdul Aziz Shah di Subang dekat sini.

Menurut kenyataan Wisma Putra Lawatan itu adalah di atas jemputan Yang di-Pertuan Agong Tuanku Ja'afar. Acara sambutan rasmi akan diadakan di Dataran Parlimen pagi esok.

Wijdenbosch akan mengadap Yang di-Pertuan Agong dan menemui Perdana Menteri Datuk Seri Dr Mahathir Mohamad esok.

Beliau juga akan menghadiri taklimat di Unit Perancang Ekonomi di Jabatan Perdana Menteri dan melawat Institut Penyelidikan Kelapa Sawit (PORIM) di Bangi.

Suriname, yang ibunegara Paramaribo, terletak di utara Amerika Selatan bersempadan dengan Brazil, Guiana Perancis, Guyana dan Laut Atlantik Utara.

-- BERNAMA